

**Zeitschrift:** Nebelspalter : das Humor- und Satire-Magazin  
**Band:** 76 (1950)  
**Heft:** 47

**Artikel:** Suurchrutt und Schungge  
**Autor:** [s.n.]  
**DOI:** <https://doi.org/10.5169/seals-490238>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 12.01.2026

**ETH-Bibliothek Zürich, E-Periodica, <https://www.e-periodica.ch>**



„Haben Sie etwas Wirksames gegen Schnupfen?“

### Suurchrutt und Schungge

All Joor im Dezämber hei eusi Gmeinrööt under sich en Aesse gha. Dasch denn gsi, wenn ene dr Kassier d Schpensen und Schportlen uszallt het.

Im «Schwane» si si – so um die Ölfi umme – scho am wyfdeggte Tisch gsässen und hei efang e chly gsürpflet. D Schwanewirtene und s Bäbeli, wo serviert het, hei au müesse zuenene ane sitze. Doch d Wirtsfrau isch allbott ufgeschossen und in d Chuchi use gweiblet go luegen, öb das Gchöch lind sig.

Allewyl wenn d Chuchitüre gangen isch, isch au e verflixt guet Gschmäggli in d Wirtsschtuben yne cho: Suurchrutt und Schungge het si ob gha, das hätt jedes Chind chönne säge.

Und richtig, wo si wider vo dr Chuchi zrug an Tisch vo der Gmeinivätere chunnt, seit si, me chönn jetz arichte wens sig, das Züüg sig ums Umme-luege dure ...

Fünf Minute druf will si go arichte, chumm isch si aber in dr Chuchi uss,

lot si ne jämmerlige Geufj ab. Die Mannen uf und use go luege. Was gseen si do? D Schwanewirtene schtot zmittst in der Chuchi und het di großi Arichtgablen in einer Hand, ei Zinggen isch

ganz verboge gsy. D Wirtsfrau het e güggelrote Chopf und me weiß nit, will si ato hüülen oder bällitschiere. Si dütet ufe Chochhafen ufem Härd, wo so fein noch Suurchrutt schmeggt. Do, wo die Heeren in dä Hafen yne luege, was gseen si?

Anschtatt imene Schunggen isch en eichige Chlotz, wo prezis d Form vo somene Suggibeig gha het, ufem Suurchrutt gläge. Dorum isch d Gable so vermöblet gsy ...

s Rätsel isch bald glöst gsy. Dr Gmeinroot het d Wuche vorhär e paar Nachtbuebe wägen öbbis teufels müesse schtroofe. Und das isch jetz d Returgutsche gsy: Si hei dr Wirti zum hindere Fänschter i bym Chuche zuegluegt. Und wo die wider in d Wirtsschtuben abdampft isch, isch ein vo dene Kärli ynegschlychen und het dä Schungge gholt. Und as dr Hafe nit so leer gsi isch, het er dä Eichechnorz dry to.

Gseen dr, nit emol Gmeinrööt si vor de Nachtbuebe sicher!

KL

**Walliser Keller**  
Neuengasse 17  
BERN  
Telefon 216 93

**Alex Imboden**

**Emmentaler Hof**  
Neuengasse 19  
BERN  
Telefon 216 87

Zwei Lokale der guten Weine und des guten Essens!